

საქართველო

პროკურატორის თანხმებით პროკურატორის თანხმებით
 პროკურატორის თანხმებით პროკურატორის თანხმებით

საქართველოს
 შინაარსი

საქართველოს გაერთიანებული რესპუბლიკური პარტია
 ყოველკვირეული საოპორტიუნისტო-პოლიტიკური გაზეთი
 გამოდის 1903-1905, 1915-1921 წ.წ. აღდგენილია 1989 წელს.

№ 10 (1411)

29 მარტი, 1995 წ.

გაზეთ «საქართველოს» სპეციალური ნომერი

პოლიტიკოსები და ფეხბურთი

დღეს დიდი ფეხბურთია, პროფესიონალების ფეხბურთი. საქართველოს გუნდს გამარჯვებას ვუსურვებთ. ამასთანავე, რახან ჩვენ პროფესიონალთა ფეხბურთზე წერა დილეტანტობის გამო არ ძალგვიძს, გთავაზობთ რეპორტაჟს პოლიტიკოსთა მიერ დღეს გამართული მატჩიდან, რომელიც შედგა „იმელის“ სტადიონზე.

ერთმანეთს ხვდებოდნენ

ოპოზიციის „იბერია“ და

უმრავლესობის „შეგარდენი-ცსკა“.

თამაშის მომლოდინე მაყურებელს ამ რეპორტაჟით ვფიქრობთ ცოტა გაეხალისებთ.

რეპორტაჟი იხილეთ მე-4 გვერდზე.

ახლა კი გუნდების შემადგენლობის შესახებ.



სახელმწიფოს მეთაურისა და პარლამენტართა პრობლემები დღევანდელი მატჩის შესახებ

ნოდარ ნათაძე:

პრობლემა გადაჭრადია. გერმანია დამარცხებადია. ჩვენი გამარჯვება ცალსახად პროგნოზირებადია.

აკაკი ასათიანი:

ბურთი მრგვალია. ან მოვიგებთ, ან წაგებთ; შეიძლება ფრედ დამთავრდეს. ისე, ჩვენ ფეხბურთში მოგვწონს ყველაფერი კარგი და არ მოგვწონს არაფერი ცუდი.

ჯანსუღ ჩარკვიანი:

ამას წინათ ერთმა ახუნტრუცებულმა დიაცმა დამირეკა და მომაწყევლა: წადი, წადი სტადიონზე ჯანსუღ ჩარკვიანო, ნახე შენი საყვარელი ხუნტის ნაკრები როგორ სამარცხვინოდ ჩაფლავდებო!... რა ხდება ხალხო! სადამდე უნდა მივიდეს გაბოროტება, ღვარძლი, ბოლმა!... როდის მოედება ამას ბოლო! ძალიან გაგულავდნენ, აი!...

ედუარდ შეგარდენაძე:

აქ ძნელია ლაპარაკი, ვინ მოიგებს, ვინ წაგებს, მთავარია, რომ ის ინტეგრაციული პროცესები, რომელიც დაიწყო ჩვენი გუნდის საერთაშორისო სარბიელზე გასვლით — შეუქცევადი გახდეს. საჭიროა ურთიერთობების გაღრმავება ჩვენს მეზობლებთან და პირველ რიგში, რასაკვირველია, რუსეთთან, რამეთუ ამ მატჩის გასაღები — მოსკოვში დევს.

ოპოზიციის «იბერია»

1. გოლ-სპიკერი რუსულან ბერიძე

დაცვა —

№2 ვახტანგ ძაბირაძე,

№3 ვახტანგ ხმალაძე,

№4 თამაზ დიასამიძე

ნახევარდაცვა —

№5 ივლიანე ხაინდრავა,

№6 ირინა სარიშვილი-ჭანტურია

თავდასხმა —

№7 დავით ბერძენიშვილი,

№8 თენგიზ სიგუა,

№9 ნოდარ ნათაძე (გუნდის კაპიტანი)

№10 ირაკლი წერეთელი,

№11 ლუიზა შაკიაშვილი

სათადარიგო სკამზე:

№12 თამარ ჩხეიძე,

№13 ბორის კაკუბავა,

№14 მამუკა გიორგაძე

№15 აკაკი ასათიანი

გუნდის მკვირვართან — ზურაბ მურვანიძე

მასაჟისტი — პაატა კოლუაშვილი

გუნდის მწვრთნელი — გუნდის მწვრთნელი

არ ჰყავს.

უმრავლესობის «შეგარდენი-ცსკა»

1. გოლკიპერი ედუარდ შეგარდენაძე (გუნდის კაპიტანი)

დაცვა —

№2 გურამ მამულია,

№3 ნესტან კირთაძე,

№4 ნანა დევდარიანი,

№5 მანანა გიგინეიშვილი,

№6 ზურაბ ქვანიანი,

№7 ქართლოს ღარიბაშვილი,

№8 ელდარ შენგელაია,

№9 ჯანსუღ ჩარკვიანი.

ნახევარდაცვა —

№10 ვახტანგ რჩეულიშვილი,

თავდასხმა —

№11 გიგა ლორთქიფანიძე

სათადარიგო შემადგენლობა:

№12 ზურაბ წერეთელი (Золотой запас),

№13 ლევან მამალაძე (ტრამვირებული)


№14 ლექსო კობაიძე,

№15 აკაკი ასათიანი,

გუნდის მკვირვართან — ვიქტორ ლორთქიფანიძე

გუნდის მასაჟისტი — იზა ორჯონიკიძე

გუნდის მწვრთნელი — პაველ გრაჩოვი




თავმოხიზონ
„ნიქონი“

მწვერულელი
არა ჰყავს.



არაფერი
გადავარდა
მეგობრებო

მეგობრებო
ვინაა
მეგობარი?



უმრავლესობა
„შევიარდენი-ქსნა“




ან თამაში
აჩვენებს
ქვემოთ



უჩვეულო
დავით!

ბოლოში
ბოლოში



ა
ვინაა?



მე მეგობრები
თქვენს
კუთხეში



დაუჩვეულო
და
უჩვეულო!



ჩემი უმჯობესი
ინსტრუქტორი!




ჩემი ბოლო
100.3%!

დაუჩვეულო
ბოლოში
მეგობრებო!



ვინაა ის
უჩვეულო
და უჩვეულო
მეგობარი?



რეპორტაჟი «იბელის» სტადიონზე ბამართული მატჩიდან

დღეს, „იბელის“ სტადიონზე გაიმართა საქართველოს პარლამენტის ჩემპიონატის მორიგი კალენდარული მატჩი. ერთმანეთს ხვდებოდნენ ოპოზიციის „იბერია“ და უმრავლესობის „შევარდენი-ცსკა“.

მატჩის წინ, მიმომხილველები უმრავლესობის გუნდს უწინასწარმეტყველებდნენ გამარჯვებას. აღინიშნებოდა, რომ „იბერიას“ ამჟამად აკლია მწვერთვის ხელი. ისინი მეტისმეტად ინდივიდუალურად თამაშობენ და ხშირად არ ესმით ერთმანეთს. „შევარდენი-ცსკა“ კი ფიზიკურად კარგად მომზადებული, გუნდის კაპიტნის ირგვლივ შეკრული კოლექტივია. და თუმცა ინდივიდუალური ოსტატობით ჩამოუვარდებიან „იბერიელებს“, სამაგიეროდ მათი ტაქტიკური უპირატესობა ამჟამად.

თამაშის დაწყებამდე თხუთმეტი წუთით ადრე გაირკვა, რომ „იბერიელთა“ შორის ვერ ითამაშებდა თეიმურაზ ჟორჯიანი, რომელიც თურმე უცნობმა პირებმა გააფრთხილეს ტელეფონით: თამაშის დროს შეიძლება მძიმე ტრავმა მოგაყენონო. უფრო ადრე გამოაკლდათ ოპოზიციონერებს გიორგი ხავთასი, მსაჯებთან კამათისთვის ზედიზედ ორი გაფრთხილების გამო.

უმრავლესობის გუნდი სრული საბრძოლო შემადგენლობით გამოცხადდა. ოლონდ უკანასკნელ მომენტში მათი განაპირა მცველი ადა მარშანია, რომელმან იხილა რა „იბერიელთა“ „მძიმე არტილერიის“, კარდენახელი ლევიონერის, ლუიზა შაკიაშვილის წინასამატჩო „მოთელვა“, შეუძლოდ გახდა და სასწრაფო სამედიცინო დახმარება დაჭირდა...

„იბერიამ“ ყოველგვარი დაზვერვის გარეშე, პირველვე წუთიდანვე შეუტია უმრავლესობის კარს, რომელსაც მრავალნაციადი გოლიკებრი, საზღვარგარეთის წამყვან კლუბებში ნათამაშევი ედუარდ შევარდნაძე იცავდა. უმრავლესობამ ამას დაუპირისპირა ყრუ დაცვის მრავალგზის აპრობირებული ტაქტიკა: წინ წაწეული ერთადერთი ფორვარდი, გიგა ლორთქიფანიძე კი ძირითადად

იმით იყო დაკავებული, რომ ხმა-მალა აპროტესტებდა „იბერიელთა“ სასარგებლოდ არბიტრის ყოველ გადაწყვეტილებას. კონტრშეტევების ორგანიზება გუნდის დირიჟორმა, ვახტანგ რჩეულიშვილმა ითავა.

პირველი სახიფათო მომენტი შევარდნაძის კართან უკვე მე-3 წუთზე შეიქმნა. დისამიძე-ბერძენიშვილის კომბინაციამ აბაშიძე-გიორგაძის დაპირისპირების თემაზე მოწინააღმდეგეთა რიგებში მცირე არე-დარევა შეიტანა. მცველების დასახმარებლად გიგა ლორთქიფანიძეც ჩამოვიდა უკან, ჩაჭრა გადაცემა და წამოიწყო სოლო რეიდი აჭარაში გამეფებული სტაბილურობის დამრღვევთა მოტივებზე, მაგრამ წინ წაწევა ვერ შესძლო. თამაზ დისამიძე ენერგიულად ჩაუხტა ფეხებში: „მორჩი ახლა დემაგოგიას, გეტყობა ნაჭეფარი ბრძანდებო“, აართვა ბურთი და დაჰკიდა საჯარიმო მოედნის შუაგულში. თუმცა თავდასხმელებმა დააყოვნეს და შევარდნაძის კარიც გადაუჩრჩინებიათ.

მე-5 წუთზე ირინა სარიშვილი-ჭანტურამ ოსტატურად განავითარა გიორგაძის თემა. მშვილად აუარა გვერდი რჩეულიშვილს, გასცდა მცველებსაც და გვიდა მეკარესთან პირისპირ. მისი დარტყმა შევარდნაძემ ვერ მოიგერია, მაგრამ კვლავ რჩეულიშვილი აღიმართა ყრუ კედელივით...

მე-12 წუთზე ნათაძის გარღვევა რჩეულიშვილმა აკრძალული ილეთით შეაჩერა. მსაჯის სასტვენის დღემდა.

ორი წუთის შემდეგ რჩეულიშვილმა ოპოზიციის კარის სი-ახლოვეს მანანა გიგინეიშვილი მოსძებნა, რომელიც ზედმეტად გაერთო ფინტებით და ბოლოს საკუთარ კარში გაგზავნა ბურთი. გამოცდილი შევარდნაძე დროზე ჩაერთო თამაშში, არ დაახანა გა-

მოსვლა და სასწრაფოდ განმუხტა დაძაბულობა. შაკიაშვილი შეეცადა ხელი შეეშალა მისთვის, მაგრამ არბიტრმა დააჯარიმა მეკარეზე თავდასხმისათვის და ყვითელი ბარათიც უჩვენა.

26-ე წუთზე ნოდარ ნათაძის მიერ წამოწყებული შეტევა სამხედრო ბაზების თაობაზე აიტაცა ირაკლი წერეთელმა. მარცხენა ფლანგიდან შეიჭრა საჯარიმო მოედანზე და ხმაღალი ყვირით: „ძირს რუსეთის დამპალი იმპერია!“ ძლიერად დაარტყა. ბურთი დიდი მანძილით აცდა კარს.

ანგარიში გაიხსნა მე-40 წუთზე, როცა არბიტრმა შეახსენა მოთამაშეებს, რომ პირველი ტიპის დამთავრებამდე სულ ხუთი წუთი დარჩა. ოპოზიციონერები კიდევ რამდენიმე წუთის დამატებას ითხოვდნენ; მათი აზრით, თამაში ხშირად ჩერდებოდა ჯანსუღ ჩარკვიანისა და ნანა დევდარიანის მხრიდან მძიმე სულიერი ტრავმის სიმულაციის გამო. აგრეთვე მოითხოვდნენ მეკარის გაფრთხილებას, აქაოდა შევარდნაძეს დრო გაჰყავსო, და თავისუფალ საჯარიმო დარტყმას. მაგრამ არბიტრის გადაწყვეტილება ურყევი იყო. ამ არეულობით ისარგებლა რჩეულიშვილმა, სწრაფად გაითამაშა ფენიასთან ორსვლიანი კომბინაცია და მოჭრილი დარტყმით: „არსებული რეგლამენტის მიხედვით, თქვენ ამის უფლება არა გაქვთ!“ გახსნა ანგარიში. „იბერიელთა“ პროტესტებს, რჩეულიშვილი ამჟამად თამაშგარე მდგომარეობაში იმყოფებოდა, მსაჯმა ყურადღება არ მიაქცია.

შესვენების შემდეგ „იბერიამ“ ნამდვილი შტურმი მოაწყო, თუმცა უშედეგოდ. დამცველები შევარდნაძის წინააღმდეგ წამოსულ ყოველ დარტყმას თავის თავზე იღებდნენ და ბურთმა ვერცერთხელ ვერ მიაღწია კარამდე.

50-ე წუთზე ლუიზა შაკიაშ-

ვილი ჯიქურ შეიჭრა საჯარიმო მოედანზე, მიფანტ-მოფანტ მცველები, ფინტების კასკადით თავბრუ დაახვია გურამ მამულიას, დასცა ძირს და ალბათ ბოლომდე გადაუვლიდა კიდევ და გოლიც გარდუვალი იქნებოდა, მაგრამ მსაჯმა სახიფათო თამაში დააფიქსირა და დააჯარიმა თავდამსხმელი.

61-ე წუთზე „იბერიელთა“ კაპიტანმა ნოდარ ნათაძემ ინდივიდუალური შეტევა წამოიწყო რუსეთის სამხედრო ბაზებზე. შევარდნაძემ მოულოდნელად გულის ტყვიელი მოიმიზეზა და კარი მიატოვა. ნათაძე შევიდა საჯარიმო მოედანზე. აბსოლუტური იგნორირება მოახდინა რჩეულიშვილისა, რომელიც უკნიდან სარმის დადებით ცდილობდა ცენტრფორვარდის წაქცევას, ყური არ ათხოვა დამცველთა პანიკურ შეძახილებს, ბაზების შესახებ ხელშეკრულების პუნქტობრივი განხილვით ზედიზედ აუარა მათ გვერდი და ბურთიანად შევიდა ცარიელ კარში. არბიტრმა გოლი არ ჩათვალა. „იბერიელთა“ ცხარე პროტესტების საპასუხოდ კი განაცხადა: როცა შევარდნაძე გავიდა, მე დავესტვინე, მაგრამ თქვენ იმხელას ხმაურობდით, ეტყობა ვერ გაიგონეთო. იქვე ელდარ შენგელიამაც დაადასტურა, რომ გოგუაქემ ნამდვილად დაუსტვინა და ანგარიშიც უცვლელი დარჩა.

73-ე წუთზე კი ედუარდ შევარდნაძემ პირდაპირ კარიდან, ხელით გადაუგდო ბურთი წინ გაჭრილ ნესტან კირთაძეს, რომელმაც მიიღო გადაცემა, მოატყუა სიგუა და ღიმილით ჩაახვია: „გილოცავთ რვა მარტსო“. მეკარე რუსუდან ბერიძე უძლური იყო. ანგარიში გახდა ორით ნოლი.

77-ე წუთზე თენგიზ სიგუას ნაცვლად მინდორზე ბორის კაკუბავა შემოვიდა, რაც საბედისწერო გამოდგა „იბერიელებისთ-

ვის“. სწორედ კაკუბავამ წამოიწყო საქმოდ ავანტიურული იერიში: „თქვენ ყველამ მოხალისე ტეები ხართ და ხალხი გაგასამარს“ თლებოთო, მაგრამ მეგრე უკან დაიხია, საკუთარი კარის სიახლოვეს დათმო ბურთი და ვახტანგ რჩეულიშვილის საპასუხო დარტყმის „ლორის ქურდი იყავი, ლორის ქურდად დარჩი“-ს შემდეგ ანგარიშში სხვაობა სამამდე გაიზარდა.

ოპოზიციის რიგებში ამჟამად დაბნეულობამ დაისადგურა. ირინა სარიშვილი-ჭანტურია ამოად ცდილობდა გიორგაძის პათოლოგიური მიდრეკილებების მოტივებზე მიზანდასახული შეტევის ორგანიზებას. მატჩის მიწურულს ბერძენიშვილმა ხელსაყრელ პოზიციამ გაიყვანა ივლიანე ხაინდრავა. მაგრამ „იბერიელთა“ ნახევარმცველმა ძაღვ დიდხანს ატარა ბურთი და რამდენჯერმე გაუშვა ხელიდან კარის ალგების შანსი. მას წამოემშველნენ კაკუბავა და ნათაძე, აქ კი ვახტანგ რჩეულიშვილმა ამჟამად დაარღვია თამაშის წესები: ჯერ ხელით ითამაშა, მეგრე კაკუბავა „მოკე-ლა“ და ნათაძესაც სარმა დაუდო. ოპოზიციონერებმა რჩეულიშვილის თერთმეტმეტრიანი დასჯა მოითხოვეს, მაგრამ მსაჯმა პენალტი არ დანიშნა. ცენტრფორვარდმა ნათაძემ გაიწია რჩეულიშვილზე, მაგრამ საქმეში ჩაერივნე ძელის მიღმა მიმალული მცველები და მდგომარეობა განმუხტეს.

ასე დამთავრდა ეს საინტერესო შეხვედრა. გაიმარჯვა უმრავლესობამ 3:0. ოპოზიციონერები ერთხანს მსაჯს ეკამათებოდნენ, მეგრე ხელი ჩაიქნიეს და მოედანი დატოვეს. მინდორზე კი „შევარდენი-ცსკა“-ს მწვერთელი, პაველ გრაჩოვი გამოვიდა და მიულოცა გამარჯვებულებს დავალების პირნათლად შესრულებამ:

„Молодцы ребята, хорошо поработали“.

მატჩის შემდეგ ოპოზიციის „იბერიამ“ მტკიცე პროტესტი განაცხადა უმრავლესობის „ცსკა“-ს მიერ ამჟამად კანონდარღვევათა გამო. აქვე გთავაზობთ საპროტესტო განცხადების ტექსტს:

გაერთიანებული ერების ორგანიზაციის გენერალურ მდივანს
ბ-ნ ბუტროს ბუტროს გალის ფიფას პრეზიდენტს
ბ-ნ ჟოაო აველანუს მატჩის კომისარს
ბ-ნ ჯაბა იოსელიანს

გაცნობებთ რომ, „შევარდენი-ცსკა“-თან ჩატარებული მატჩი წარმართა ჯერ არნახული დარღვევებით: ა) მსაჯი იფარგლებოდა მხოლოდ დამკვირვებლის ფუნქციით და თავის ხელსაყრელ მოწინააღმდეგის მხრიდან ყოველგვარ პროვოკაციაზე. ბ) მოწინააღმდეგის შემადგენლობაში ირიცხებოდნენ უცხო ქვეყნის მოქალაქეები, რომელთაც არ ჰქონდათ უფლება მატჩში მონაწილეობის მიღებისა. (მაგ. ზ. წერეთელი, პროფესიით მხატვარი) გ) იმავდროულად ჩვენი მხატვარი, თ. კიტოვანი, უვადოდ იქნა დისკვალიფიცირებული და არ მიეცა თამაშის საშუალება. დ) „იბერიის“ მიერ გატანილი გოლი მსაჯმა არ ჩათვალა იმ მოტივით, რომ უკვე დაფშტვენილი ჰქონდა, რაც არ შეესაბამება სინამდვილეს.

ყოველივე ზემოთქმულიდან გამომდინარე, გამოვთქვამთ მტკიცე პროტესტს და მოველოთ თქვენგან ქმედით დახმარებას.

ოპოზიციის „იბერია“

ბამროს ბენერალური მდივნის ბ-ნი ბუტროს ბუტროს გალის პასუხი ოპოზიციის „იბერიისადმი“

მაქვს პატივი გაუწყობთ პირადად ჩემი კეთილშეგობრული დამოკიდებულება თქვენი გუნდის მიმართ. თქვენს პროტესტს აუცილებლად განიხილავს უშიშროების საბჭოს სესია, რომელიც გაიმართება სამი თვის შემდეგ, ხოლო მომდევნო წლის გაზაფხულზე გამოიგზავნება ფაქტების დამდგენი კომისია.

პატივისცემით ბ.ბ. გალი

მატჩის კომისიის, ბ-ნ ჯაბა იოსელიანის რეზოლუცია „იბერიის“ პროტესტზე

თქვენ ფეხბურთის თამაში დობილობა ხომ არ გგონიათ? ვინც არ დაემორჩილება არბიტრის გადაწყვეტილებას, ადგილზევე იქნება დისკვალიფიცირებული!